

**BOSNA I HERCEGOVINA
FEDERACIJA BOSNE I HERCEGOVINE
KANTON SREDIŠNJA BOSNA / SREDNJOBOSANSKI KANTON
TRAVNIK**

**MINISTARSTVO OBRAZOVANJA,
ZNANOSTI, MLADIH, KULTURE I ŠPORTA**

**MINISTARSTVO OBRAZOVANJA,
NAUKE, MLADIH, KULTURE I SPORTA**



**CENTRAL BOSNIA CANTON
MINISTRY OF EDUCATION,
SCIENCE, YOUTH, CULTURE AND SPORTS**

Travnik, Stanična 43., Tel./faks.: 030/511-214, 030/518-675, www.mozks-ksb.ba, e-mail: minobsbk@bih.net.ba, mozks@sbk-ksb.gov.ba

Na osnovu člana 40. i 41. Zakona o srednjoj školi („Službene novine SBK“, broj: 11/01, 17/04 i 15/12), Ministarstvo obrazovanja, nauke, mladih, kulture i sporta Srednjobosanskog Kantona, o b j a v l j u j e

K O N K U R S
**za upis redovnih učenika u prvi razred srednjih škola Srednjobosanskog Kantona
u školskoj 2021./2022. godini**

I. ROKOVI

Prijavlivanje, izbor kandidata i upis učenika obavlja se u tri upisna roka kako slijedi:

Prvi (ljetni) upisni rok

- Prijavlivanje kandidata za gimnazije, tehničke i srodne, te stručne škole je **21. i 22.6.2021. godine (ponedjeljak i utorak)**, a za muzičke i druge škole sa posebnom provjerom osposobljenosti 23.6.2021.godine, od 8.00 sati.
- Nakon zaprimljenih prijava kandidata za upis u prvi razred srednje škole, na prijedlog komisije za upis, Upravni odbor škole će utvrditi prijedlog formiranja odjeljenja za prvi razred po strukama i zanimanjima. Kod formiranja odjeljenja treba voditi računa da u četverogodišnjim školama mogu biti najviše dva srodna zvanja u jednom odjeljenju, a u trogodišnjim školama najviše tri srodna zanimanja u jednom odjeljenju.
- **Do 25.6.2021. (petak) do 16,00 sati**, dostaviti izvještaj u Odjel za obrazovanje i nauku Ministarstva, radi daljnjih procedura prema Vladi Kantona za konačnu odluku.
- Nakon dobivanja konačne Odluke Vlade Kantona, Škole će objaviti rezultate (ljestvicu poretka) u roku od tri dana na oglasnoj ploči i web stranici škole te odrediti datum za upis učenika u prvi razred nakon prvog upisnog roka.

Drugi (ljetni) upisni rok

- Prijavlivanje kandidata za gimnazije, tehničke i srodne, te stručne škole u drugom upisnom roku je **1. i 2.07.2021.godine (četvrtak i petak)**.
- Nakon zaprimljenih prijava kandidata za upis u prvi razred srednje škole u drugom upisnom roku, na prijedlog komisije za upis, Upravni odbor škole će utvrditi konačnu rang listu primljenih kandidata i izvršiti raspored primljenih kandidata u razredna odjeljenja odobrena Odlukom Vlade Kantona i objaviti rezultate (skalu poretka) u roku od tri dana na oglasnoj tabli i web stranici škole te odrediti datum za upis učenika u prvi razred nakon drugog upisnog roka.
- Škole su obavezne do 5.7.2021. godine (ponedjeljak) do 16,00 sati dostaviti u Odjel za obrazovanje i nauku Ministarstva, izvještaj o formiranju i popuni razrednih odjeljenja za prvi razred za školsku 2021./2022. godinu.

Treći (jesenji) upisni rok

Prijavljivanje kandidata i upis učenika za nepopunjena mjesta je od 23.08.2021. godine (ponedjeljak) od 8,00 sati.

Učenik se u jednom upisnom roku može konkurisati za upis samo u jednu školu odnosno vrstu programa, gdje prilaže originalne svjedodžbe i potvrde. Iznimno, učenik se može prijaviti za upis na muzički program na temelju kopije dokumenata ako se istodobno prijavljuje za upis u neku drugu srednju školu.

Prijavljivanje za upis

Na Konkurs za upis kandidat prilaže:

- a) prijavu na Konkurs
- b) izvod iz matične knjige rođenih ili rodni list
- c) svjedočanstvo o završenoj osnovnoj školi
- d) uvjerenje o uspjehu za VI.,VII. i VIII. razred osnovne škole
- e) druga dokumenta relevantna za utvrđivanje broja bodova po kriterijima

II. OPĆI USLOVI

Pravo prijavljivanja na Konkurs za upis redovnih učenika u prvi (I.) razred srednje škole, pod jednakim uslovima, imaju:

- 1) učenici koji su završili osnovnu školu, u dobi do navršenih 17 godina, a iznimno do 18 godina, uz odobrenje nastavničkog vijeća;
- 2) učenici s posebnim potrebama, na temelju odgovarajućeg rješenja i mišljenja, imaju pravo upisa i s navršenih 20 godina života.

Komisiju za prijem učenika u srednju školu imenuje Upravni odbor škole.

Prijem učenika obavlja se u skladu s planom upisa, bez prijemnog ispita, a na osnovu rezultata i skale poretka objavljene na školskoj oglasnoj ploči i web stranici škole, na način kako je to utvrđeno pod tačkom I. (ROKOVI).

Od navedenog se izuzima Srednja glazbena škola Jakova Gotovca, Novi Travnik.

III. KRITERIJI ZA IZBOR

1. Učenici maksimalno mogu ostvariti 106 bodova pri upisu u prvi razred Opće gimnazije, 96 bodova u ostalim gimnazijama, tehničkim i srodnim školama i stručnim trogodišnjim školama. U školama uslužnih djelatnosti učenici mogu ostvariti maksimalno 91 bod.
2. Maksimalni broj bodova ostvaruje se na osnovu slijedećih pokazatelja:
Opći uspjeh učenika postignut od VI. do IX. razreda osnovne škole - maksimalno 60 bodova (odličan: 5,0 = 15 bodova; 4,9=14,5 bodova; 4,8=14 bodova; 4,7=13 bodova; 4,6=12 bodova; 4,5=11 bodova; vrlo dobar = 10 bodova; dobar= 6 bodova i dovoljan= 4 boda).
3. Uspjeh iz relevantnih predmeta u VIII. i IX. razredu osnovne škole — Opća i ostali tipovi gimnazija maksimalno 25 bodova, u ostalim školama maksimalno 15 bodova (odličan = 2,5 boda; vrlo dobar = 2 boda; dobar = 1,5 bod i dovoljan = 1 bod) i 10 bodova za učenike trogodišnjih škola uslužnih djelatnosti.
4. Rezultati postignuti na školskim natjecanjima u znanju učenika osnovnih škola – maksimalno 12 bodova
 - a) kantonalno takmičenje: 1. mjesto = 3 boda; 2. mjesto = 2 boda; 3. mjesto = 1 bod
 - b) federalno takmičenje: 1. mjesto = 4 boda; 2. mjesto = 3 boda; 3. mjesto = 2 boda
 - c) međunarodno takmičenje: 1. mjesto = 5 bodova; 2. mjesto = 4 boda; 3. mjesto = 3 boda

Ukupan zbroj bodova koje učenik dobije po osnovu takmičenja iz četvrte tačke ne može preći 12 bodova, s tim da se boduju samo takmičenja koja su zvanično organizirana na nivou Kantona, Federacije BiH i BiH i međunarodna, uz priložene originalne dokument

5. Diploma – učenik generacije: 8 bodova

6. Postignut odličan uspjeh i primjerno vladanje u VIII. i IX. razredu osnovne škole – 1 bod

Konačna skala poretka učenika dobiva se zbrajanjem ocjena općeg uspjeha od VI. do IX. razreda osnovne škole, ocjena iz relevantnih predmeta za upis te bodova iz tačaka 4., 5. i 6. ovih kriterija.

IV. RELEVANTNI PREDMETI SU:

1. Za gimnaziju:

- a) **opću:** hrvatski /bosanski/ srpski jezik, strani jezik, matematika, povijest, geografija
- b) **jezičnu:** bosanski/ hrvatski/srpski jezik, strani jezik, informatika
- c) **prirodoslovno-matematičku:** strani jezik, matematika, informatika
- d) **informatičkih tehnologija:** strani jezik, matematika, fizika i informatika
- e) **matematičko-informatička:** strani jezik, matematika i informatika

2. Za mašinsku, elektrotehničku, drvoprerađivačku, građevinsku, geodetsku i saobraćajnu struku: matematika, fizika i informatika

3. Za zubotehničku, medicinsku, veterinarsku, poljoprivrednu, prehrambenu, ekološku, tekstilnu, kožarsku i šumarsku struku: hemija, biologija i bosanski/hrvatski/srpski jezik

4. Za ugostiteljsku, turističku i trgovačku struku: bosanski/hrvatski/srpski jezik, strani jezik i geografija

5. Za ekonomsku struku: matematika, bosanski / hrvatski / srpski jezik, strani jezik

6. Za uslužne djelatnosti: bosanski /hrvatski/ srpski jezik i kemija

7. Za ostale trogodišnje stručne škole trećeg stepena iste ili srodne struke, relevantni predmeti su: hrvatski/bosanski/srpski jezik, matematika i fizika

Ako se učenik školovao u inostranstvu i ako nije imao nastavne predmete u VII. i VIII. razredu, koji su relevantni za upis u prvi razred, umjesto ocjene iz toga predmeta uzima se prosječna ocjena iz svih predmeta toga razreda (aritmetička sredina).

Kandidati za upis u prvi razred srednje muzičke škole trebaju imati završenu osnovnu školu i osnovnu muzičku školu.

Kandidati koji nisu završili osnovnu muzičku školu pristupaju prijemnom ispitu prema propozicijama objavljenim na oglasnoj ploči škole koje utvrdi nastavničko vijeće škole. Prijave na Konkurs za upis dostavljati na adresu škole.

Nepotpune i nepravovremene prijave neće se razmatrati.

Konkurs i plan upisa u prvi razred srednjih škola na Srednjobosanskom Kantonu u školskoj 2021./2022. godini, će biti objavljen u dnevnim novinama i na web stranici Ministarstva obrazovanja, nauke, kulture i sporta Srednjobosanskog Kantona: www.mozks-ksb.ba.

NAPOMENA: Učenici, roditelji i uposlenici u srednjim školama su dužni da se pridržavaju važećih higijensko-epidemioloških mjera pri upisu i kontaktiranju.

Broj: 03-34-570/2021

Travnik, 10.6.2021. godine

MINISTAR

Bojan Domić

PRILOG: Plan upisa

**PLAN UPISA UČENIKA U I RAZRED SREDNJIH ŠKOLA ZA ŠKOLSKU 2021./2022. GODINU
SREDNJOBOSANSKOG KANTONA KOJE NASTAVU IZVODE NA BOSANSKOM JEZIKU**

Red Broj	Naziv škole i mjesto	Stručno zvanje i zanimanje	Trajanje programa
1	2	3	4
2.	MJEŠOVITA SREDNJA TEHNIČKA ŠKOLA TRAVNIK	Elektrotehničar informacijskih tehnologija Elektrotehničar računarstva i informatike Elektrotehničar energetike Mašinski tehničar za kompjutersko upravljanje mašinama Elektroinstalater Elektroničar telekomunikacija Šumarski tehničar Zavarivač Bravar Operater na CNC mašinama Dizajner tekstila i odjeće na računaru Tekstilni tehničar - konfektionar Konfektionar tekstila - krojač Zidar Tesar Keramičar	4 godine 4 godine 4 godine 4 godine 3 godine 3 godine 4 godine 3 godine 3 godine 3 godine 4 godine 4 godine 3 godine 3 godine 3 godine 3 godine